

Oggs und Ijesl

(Jes. 1, 3-4; Hebr. 1, 1-3; Luk. 2, 6-20)

A jejde Oggs kennd sein Besidse.
A jejde Ijesl waas Bescheid,
wu di Fuddegribbm ve sein Herrn is.
Des lejs me bein Jesaja heid.

Blous es Volg will nije begreif,
wänn es werglich oaköön dud.
Di Leud, si nehma ka Venumfd oa.
Mid däre Sibbschafd duds ka Gud.

Des Wood ve den Brofejd, des woa
veglunga schö a ganza Zeid.
Dou hod dä Herrgodd gsochd, eds schbrech ich
dorch mein Sohn ze euch, ije Leud.

Im Sohn zeichd Godd sei Herrlichkeit
übe däre ganzn Weld.
Des Wood ven Sohn, des is di Groafd,
di wu des Weldall zammaheld.

Ää wäd als Menschnkind geboon
und lichd in aane Gribbm dinna.
Dou felld sei Herrlichkeit kaum auf –
su armsejlich, wi mije na finna.

Hei und Schdrua und di Windln,
di wölln uns fei ganz deudlich zeich:
Dou hii, wu mije sen, kümmd dä Herrgodd,
schbärrd uns di Düe auf ze sein Reich.

Veschdije koa des Geheimnis kanne.
Dä Ludde [Luther] sochd, mije könna aas:
Mije könna vo di Gribbm schdill wää
und des Bild uns diif ins Häzz neifass.

Und wää doann in den Gribbmkind
sein Heiland und sein Herrn dekennd,
dää hod velleichd a bissela
ven Ijesl und ven Oggs gelännd.

Bernd Graf